

織簾書屋詩鈔

織簾書屋詩鈔卷九

丙午丁未

天津 沈兆澐 雲巢

爲伍詒庭題孫淵如先生小像

故人已作蓉城主遺像長畱白下門
差勝相思時入夢披圖如坐五松園

爲侯青甫題根香圃圖卷

小築芳園三徑開亭池位置總新裁
知君邱壑蟠胸富飽看黃山雲海來

攬勝羣山列小樓捲簾煙雨望中收
主人舒嘯忘機久

遮莫春畦水亂流

余爲題樓日攬勝

投綏琴尊自放情幽居端不負歸耕故人如問山中味

春韭秋菘細品評

將軍畫筆開生面妙手荆關點綴工

圖爲諸名手集繪

庭院應

添松幾本賞心時聽滿樓風

重遊靈谷寺

不到禪林歷八年重遊春暖雨餘天萬松夾道連空翠
一水通廚引檻泉攜友已非前度客尋僧又結後來緣
浮蹤笑我頻南北絕少遊山祇泛船

鱗比方田舊賜莊劫餘幽徑未全荒山光拂檻含朝爽
塔影凌空淡夕陽薔薇花開無俗韻伊蒲饌設有餘香
歸途十里沿鍾阜還訪參軍舊草堂

觀音門阻風

行行何事輒句畱與我多情是石尤地靜連宵惟聽雨
天寒三月尚披裘龍江設險營新壘虎節宣威講大蒐
節使大爲憶外夷輕入寇風聲鶴唳荻花洲

邳州晤王湘浦兼懷王平軒陝西

長安一別七年餘客路重逢慰索居駱馬湖平春雨後

斑鳩聲暖曉晴初
篷窗品茗清談共
蓮幕論文舊境如
遙憶故人秦隴外
迷離雲樹鴈飛疏

嶧縣

晚霽綠楊隄流鶯自在
曉暖煙漁舍暗秀色麥田低地
引尋碑興詩刪詠物題龜蒙山入望一抹夕陽西

攜瓊瑞兩兒登來汶樓

同時父子一扁舟
接武高登來汶樓
山色潤含前夜雨
風聲爽送滿襟秋
疏河兗郡紆良策
瓊兒署運河同知
橐筆燕京賦壯遊
瑞兒隨行赴秋闈試
回首金陵曾獨眺
餘霞閣外大江流

流

喜雨

潑墨陰雲向夕稠
輕風吹縐碧波流
暗驚客夢三更雨
靜掩孤篷五月秋
新漲初添資轉漕
嘉禾漸秀欲盈疇
畿南千里通山左
北望徧深旱嘆憂

時直隸
久旱

晚泊武城懷厲明府

初月襯斜陽
人行憩晚涼
微風屯氏水
夾岸棗花香
暴客警宵暗
仁聲思吏良
相逢無舊識
道路幾星霜

四女寺

古樹嘯鷗孝女祠攜兒閒步晚晴時村僧不作逢迎態
祇說連宵好雨滋

喜得六孫恩嘉

丙午八月二十六日

小住任城閱兩旬喜逢天賜石麒麟曾占易象經三索
端兒先得兩女茲得男又得孫枝第六人樂奏笙簧萃草秀筵開
湯餅菊花新錫名還望成名早祖德繩繩益積仁

題黃莘田秋江集

香草齋中畱好句白雲山上想癡仙薄遊宦海纔三載
高占才名已百年兩度霓裳同衆詠十方端硯是家傳

平生酷愛西崑體妙有才人作鄭箋

長樂王元麟註甚詳

又用集中句成七絕八首

展開一卷盡琳琅消受文人一辨香見獵因君起遙羨
山川終古託文章

八口聊爲枳棘棲亂山苦竹鷓鴣嘯何當簿領抽身去
詩話軒中警露西

五湖詩酒乞閒身高潔都無一點塵好和遺山俳體句
相期扛鼎共扶輪

冰雪聰明與吐吞文章誰不羨西崑持螯雅結餐英社

凍井山房十硯軒

硯山不作買菴錢
依舊丹鉛手一編
記得端江誇管領
青花白葉蔚藍天

此君不解稻梁謀
蠟屐籃輿亦倦遊
一語故應君絕倒
孤行峭立合棲幽

江上新涼小雨催
桂花重與故人開

先生年八十
重預鹿鳴宴林泉

有福能終老
曾向研朱滴露來

澄潔心同夜月鮮
論詩不讓古人先
傅高合配徐曹謝
君是清華萬選錢

揚州遇黃笛樓孫壻攜孫女自汴歸聞次日言別
任城聚首葛裘更聞說南旋自汴京恰好貪行明月夜
相逢同泊綠楊城鐙前絮語三冬煖客裏歧途一水橫
老我不堪縈別緒達書時聽鴈來聲

渡江

月冷空江欲化煙秋山萬疊入遙天歸帆一夜東風便
上水船如下水船

丙午武闈

騎遠城遙畫角催錦韉金勒耀龍媒纔從瓜步乘潮至

又向華林校射來風勁雕弓明月滿秋高虎帳宿雲開
分闈幾度襄掄選定有韜鈴頗收才

持衡亦似品文章大力從容善挽強曾采參苓歸藥籠
還收貔虎列門牆敦詩夙好青編展習戰頻隨赤羽翔
爲語諸生應自奮唐家科目重汾陽

口占

半帆斜帶夕陽殘苦醪微醺耐薄寒舟小不堪延客入
窗明恰好擁書看岸舒梅柳春回早地近萑苻夜泊難
堪哂老夫徒矍鑠豪遊無處據征鞍

常州

秋雨毘陵道途遙興轉佳橋園園玉帶船小踏蒲鞵

船名

蒲鞵頭深水魚梁沒長天鴈陣排登山聊北顧瓜步接清淮

津吏

苦勸舟停夜月明寒風吹送海螺聲一言津吏應分曉
莫阻官行禁賊行

偶述

一壑一邱志趣半村半郭田園不富不貧家計有文有

行兒孫

讀書不求甚解飲酒第取微醺得句一時興會遊山萬
態煙雲

婦孺無不自得花木亦皆有情散步時逢樵牧並坐相
話雨晴

晝裏九州嶽瀆書中千古友朋知足一生福相率真百
歲壽徵

卽景

枯坐扁舟裏推窗一爽神遠天低似水寒月近依人寺

靜鐘聲徹林開岫色新誰知清異味領略在風塵

句曲卽目

深谷人家聚樓臺隔幾灣紅裘行汲水烏帽坐看山方正田如郢圓通路似環澗槩多隱士徑欲斂柴關

鈺兒遷紹興同知

佳山水處作清官多少書生到此難觀海興高頻得句放衙政簡好憑欄舊趨薇省簪毫久

仕中書十年

新聚蘭階

舞綵歡

濟甯得相聚

報最重來瞻鳳闕

帝京不隔五雲端

文東川方伯惠重刊信國公全集

大節輝光日月侔文章彪炳冠千秋萬言對策江都相

兩表出師忠武侯學術心傳崇享祀道光二十三年書詔從祀學宮

存手澤切搜求方伯爲公十九世孫遺編披讀羣興起浩氣江河

滾滾流

歌傳正氣凜冰霜玉帶生畱墨瀋香詩史憂時同杜甫

文名蓋世繼歐陽忠臣莫漫論成敗異代猶欽植典常

我集先儒緗帙富芸窗拜惠永珍藏道光年從祀學宮新吾呂子石齋黃

子念臺劉子夏峯孫子潛菴湯子余皆藏有全集

偕吳紅生李敘堂鍾挹雲陳容齋遊東園飲於琅

玕叢

曉際沂春潮江城宿霧消蜀岡曾著屐邗水又停橈舊
識如星落新知折簡招竹西前路近聲暖賣餠簫

花事勒春寒東園豔牡丹錦堆開未歇柳谷補相看

隨園

中柳谷牡丹最勝今年三月未開茲東園大放徑曲通虛室池深繞畫欄勝他

絃管樂幽韻起琅玕

舟泊杜園

黃葉聲多夕照遲蘆花岸接豆花籬行人不繫輕舟纜
孤負村醪釀熟時

名園依水劇清華高下亭臺似浣花一卷新詩一尊酒
來遊笑欲問東家

重過四女寺憶端兒

今年五月
病亡任城

葉落寒林點客舟慈烏聲慘暮天秋曾攜幼子吟詩處
不忍重登古寺樓

龔月舫同年惠米元章高澹人墨蹟

惠我篋中祕古人眞蹟存雄奇驚海嶽秀俊挹江村欣
賞兼詩句頻披脩酒尊前賢遺墨寶寄答欲重論

余寄
舊藏

范文忠申忠愍
梁山舟墨刻

舟中雜詠

焚香

領略鑪香趣科頭靜坐人不須僮掃地畫舫淨無塵

讀書

載得書千卷披吟客路長夜來還入夢經義話同堂

時夢

如少時
讀書

賦詩

清風朗月中扣舷發高唱好爲詠史詩相逢無謝尙

飲酒

余從南方來愛飲北地酒行過朗吟樓醇醪醉一斗滄

麻姑酒余
飲而甘之

啜茶

泛宅蓼花汀臨風酒乍醒船頭閒汲水煎茗有樵青

覽鏡

鏡圓塵不滓持照差可喜我面如春風我心如秋水

看山

拄笏延清賞山光入柁樓往還分向背迎送迭春秋

聽水

檣直時棲燕波澄好浴鷺順風乘逆浪灩灩水聲多

賞月

坐翫中宵月窗開面面光依人無遠近印水更清涼

聞柝

水郭幾人家宵深月半斜一聲來擊柝驚鴈入蘆花

戲詠傀儡

巧技曾傳始偃師衣冠也自表威儀登場爭羨頭高出
舉步全憑柄倒持認假爲眞原戲劇隨人作計總支離
聽來傳語多無味可有胸中自吐詞

織簾書屋詩鈔卷十

戊申

天津 沈兆雲 雲集

詠史

何人瀟灑滌塵襟
嘲戲文成感慨深
入夢黃頭新寵渥
爲郎白首下僚沉
後宮齊誦王褒賦
南越爭投陸賈金
惟有鄴公頻讓爵
著書名利不關心

別有終南捷徑趨
扶搖直上到雲衢
軼羣假託昂昂馬
逐浪甘隨泛泛鳧
汲黯直言長作郡
孔光媚世謬爲儒
書生名實偏相左
寂寞潛修莽大夫

學術從來播遠猷心貪富貴等庸流阿諛丞相筦絃樂
黨附扶風猿鶴羞爲士名偏傳佞幸無根論祇比俳優
少文陵勃資匡輔翻笑儒生遜幾籌

品覈公卿祇黨同危言竟翊補天功清流自是賢人品
橫議何殊戰國風作俑部分南北始餘波害及宋明終
莊光節義開東漢可惜無人學釣翁

重修族譜旣成敬賦二十四韻

禮重親親典宗支遠莫忘足徵惟譜牒得體是歐陽紀
事求傳信分門務語詳尋源知積善濟美允呈祥吾族

成周始文昭世系彰何須追上古所勛迪前光宋代遷

都遠姚江占籍長緬思平興

仄聲

地斷自半霖鄉

六世祖莊敏公

明萬厯間修族譜以宋學士公遷餘姚為始祖自元宜教公始分支按宜教公居半霖

明德尊學

士清風憶草堂初修垂法則重輯誦芬芳

莊敏公居清風堂於請告

時修譜中憲公重修於嘉慶十二年

椒衍從茲茂瓜絲未可量趨庭言尚

在付梓願應償叨蔭遊蓬島參藩到建康宦遊追步履

公暇及文章勳建天官懋才推半刺良

莊敏公仕南京吏部尚書莊敏

公次子太守公廕授應天通判

永思延舊澤詎止詠甘棠志乘資參證

碑銘著表坊宏詞輝壁府大節凜秋霜

高伯祖玉集公順治戊戌翰林

魯瞻於任中書
舍人殉魯王難
一一述從實殷殷刊弗遑繪圖昭次第
校字慎偏傍繼世存忠孝餘庶驗熾昌
詒謀敦族誼繩
武接書香基緒毋荒墜聲名望顯揚
子孫千億衆彝訓
守南岡

明瑟軒小飲畱別蔗園梅莊

楊柳陰濃杏滿枝
釣磯重欲問江湄
鴻飛好趁春風便
鶴瘦難禁薄俸遲
載道十年吟盡觚
瞻天四度拜彤墀
行罇酒軒窗敞
水木清華雨霽時

題于蓮亭前輩詩集卽以話別

名途歷甘苦恬淡入長吟山水皆天趣詞華亦道心論
文經歲久話別悵春深佳什篷窗讀魚書達武林

將之
杭州

看花洞

昨朝東園飽看花今晚又泊看花洞野岸何處有花開
菜圃丈人時抱甕篷窗悶坐數歸鷗封姨怪底不相送
宵來冉冉牡丹香敲枕猶作揚州夢

賈運生太守以所刊柳溪年伯孟門草見示因賦
偶寄泥痕伴塞鴻并州幾載滯行驄興餘帽影鞭絲外
人在河聲嶽色中酒殘客窗連夜雨茶煙禪院落花風

從知作客忘勞勩贏得新詩字字工

柴桑老去憶淵明手澤當時重納楹四十年來讀遺作
三千里外紀行程傳先長使聲名著壽世偏教感慨生
家集校刊殊未了殘編何處覓嚶鳴

先伯東巖公著有嚶鳴集二卷久佚

賈貞婦詩

盧氏女賈門婦夫歿未婚義堅守年幼性貞得天厚惟
貞能孝事父母五十年不離左右猶子請旌爲立後迎
歸共姜已白首吁嗟乎人世百年終烏有萬古女宗傳
不朽

卽事

斜日林深桑扈嘯瓜皮船繫畫橋西中條山色聯三輔
九派河流擁大隄消暑簷窗無襪襪嘗新村市熟糖餠
津沽幾度逢長夏隨意詩成補舊題

林若衣二尹屬題其先德敏齋觀察寶香山館遺
集

記得逢君黃鶴樓

戊子秋晤於武昌

曠懷吟徹楚江秋仙人一

去何時返詩卷長看後世畱偉望昌黎尊北斗清才正
則冠東甌於今遺澤淵源續潘陸文瀾萬古流

又題敏齋觀察雲江泛櫂圖

贊府新自陶山來衙官奄有屈宋才示我先人泛櫂圖
甌江浩渺煙雲開憶昔觀察著作手上追燕許凌臯枚
辭家千里違饑餧簪筆十載依蓬萊一麾出守巴渝去
白雲東望行徘徊浙水蒼茫鷗飛止中有北堂諼草栽
帆檣乘風故鄉隔雨雪載道簡書催爲寫此圖寄孺慕
至今想見心嬰孩文孫珍藏附遺集題詠羅列皆鴻裁
披畫如對祖貽硯裝池重補詩循陔載誦清芬縣舊德
吟哦時繞庭前槐含飴官舍奉色笑

君奉重
慈官舍

一舸近達

龍江隈

行舟詠

積雨隨行舟，浹旬無百里。疊遭退鷁風，兼泝逆流水。洶湧壯波濤，汜濫失涯涘。榜人強與爭，百丈牽迤邐。推挽溜及胸，邪許聲盈耳。移時僅數武，行行復止止。懦弱因狎翫，毋乃太輕視。鄭重語長年，擇地姑櫂艤。破浪固欣然，讓水亦可喜。捷足多窘步，緩處自就理。繫纜大樹根，隄隤未全圯。廬舍連沮洳，柁樓憑倚徙。迢遙看浮舫，一乘入市去。夏憶苦旱淺，流纔逾咫。今茲阻望洋，輕帆

難遽駛漫云行道遲流連光景比執掌敢憚勞稽延任
騰毀不爭險易利素行有如此

聞說

聞說蕪湖巨浪奔綠楊影裏失江村人家半向空船住
倉廩全無積穀存青郡磬鴻思富弼金隄沉馬仗王尊
春秋繁露行無驗止雨空教閉北門

隄隄行

攜鉏挈耨盈道左鉦聲催迫人繁夥健壯奔走老穉從
云保田廬隄將陟我適舟泊北蔡村三日大雨如傾盆

河流洶湧駛竹箭陰雲慘澹無朝昏趨視漏卮塞難住
鄉農覆蕢猶防護隄隤幸有越隄存水官不來來反怒
取土官道旁誣民決河防取土畎畝裏如蘋采沼沚彷彿
里長忘餐眠伐樹絢索集金錢萬家跼危呼吸頃反
風溜退功回天狂瀾俄挽雨亦霽揚帆我喜巨川濟還
祝天公補救多秋暘高原穫黍稌

後隤隄行

畫鷁鉦鳴停柔艣材官森立猛如虎危岸樹倒郵亭傾
羣吏泥塗迎大府大府關心民瘼深久旱曾爲祈甘霖

天瓢傾瀉銀潢倒河流汜濫廬舍沉白河洶湧趨溟渤
潮汐陡壯來汨汨尾閘不洩旁溢多到處隤隤驚倉卒
東隄倏圯西隄傾三版不沒存孤城有田耕耘不得穫
可憐困厄蚩蚩氓老弱流離舟前訴饑無糠粃奔無路
殷雷頃刻雨又來風利大府揚帆去

潞河行

潞河沆瀣三丈强東趨渤海流湯湯谷王長嘯歎望洋
阻塞汜濫隤隤防我行適過桑梓鄉淫雨十日舞商羊
澤國六月西風涼水無畔岸魚無梁衝風破浪一葦杭

昕夕前行莫敢遑，緯夫強挽走且僵。南北倏忽輕飛颺，
或滯沙灘或登場。溯洄從之道阻長，順流直下來連牆。
赫然卓立如堵牆，倉卒馬勒臨崖韁。卸帆時依枯樹旁，
六鷁退飛羨雁翔。旬餘百里無餽糧，榜人焦勞僕隸忙。
我語爾輩徒彷徨，從何假手濟時方。忠信利涉如康莊，
高吟閒對西山蒼。

通州道中

霧霈經旬六月寒，輕颺一葉泝奔湍。消閒祇覺看山好，
涉險方知行路難。村遠影迷楊柳渡，潮平痕沒荻花灘。

長才定有迴瀾術宣洩東南渤澥寬

爲楊慰農都轉題其先德勤慤公詩集

勳名房杜重金甌餘事高吟邁等儔一品集成雲漢倬
十芝堂啟露華浮遺文付梓清芬誦繩武調梅偉望侔
三輔當年開府地津沽重聽舊歌謳

赴圓明園作

憶別長安五十旬攜孫重踏輦紅塵

孫恩聞隨行孫於
去年春出都故云

西山爽氣盈襟袖歡喜相逢似故人

有客招邀秉燭遊涼宵雅集近光樓長楊五柞昆湖外

玉宇高寒八月秋

八月十四日蒙 召見於勤政殿敬賦五律二首

綵服耀嫵爛

八月初十日自初七至十五

萬壽聖節

山高玉殿環三

霄開壽寓四度觀

天顏

道光二十年二十二年會三次入覲

月朗

螭坳外雲移雉尾間微

臣感

溫語侍從舊仙班

黑髮今如昔馳驅歲月增

恩綸褒健壯

聖訓勸廉

能作牧曾權篆

二十四年春署江甯藩篆

銘心自飲冰巢痕重掃舊

金爵望觚稜

過雨園少詹故居有感

故人曾住舊梁園上相堂開 賜額存蓬華已迷旋馬

地雪泥猶認踏鴻痕宣文絳幔嗟何在謂虛白 汝士青

年歎就湮小舫太史楓 腹痛不禁車屢過秋風蕭瑟弔

吟魂

中秋後三日同年德臨皋余夢巖李夢韶周藹餘

小集寓齋賦以誌別

記同吟賞月華明三載重來謁 帝廷盛饌更番聯舊

雨故交零落感晨星酒酣春色添華鬢夜靜秋光冷畫

屏別後萍蹤各南北懷人半在短長亭

戊申九日行次滄州同牛遠山恩闈孫小酌舟中

續潘邠老詩

滿城風雨近重陽路指長蘆一葦杭紅樹蒼山秋色遠
綠蓑青笠客途長同心友半歸荒徑舊好多致仕奉使人難
戀故鄉好是持螯同醉酒陶然不用佩萸囊

開壩行

男婦雜遝盈道周鶉衣鵠面形如鳩奔走不識何方投
沿途乞食囊無餼中有下河叟白頭自言生計託耜耨
往時開壩白露秋淮水下注田禾收沉竈生竈儲穀畱

妻孥幸避乘扁舟今年六月風雨稠洪水溢吞高郵

五里車邏啟上游

五里中壩車邏壩在昭關壩之北昭每值洪水大於白露後啟洩

關又洩滔滔流

昭關壩在高郵南三十里啟則下河諸州縣被水

吁嗟倉卒未

綢繆夏末不與秋中侔波濤洶湧高岑樓人與鷗鳥同

沉浮欲逃他邦阻道修衰殘蕩析命不猶我聞此語爲

爾籌爾有廬舍有田疇熙熙婦子祈甌窶頓遭遷徙生

離愁似關天意非人謀當今宵旰憂民憂救荒富弼來

青州帑金百萬普贍賙散粟逐戶足豆區秋水歸壑風

颶颶異鄉肯顧徒相求盍返故土撫恤優乘時種植奚

悵惆明年下隰豐來牟

和王研雲廣文

寶仁

六十述懷詩

續就瑯琊舊德編研窮經史歷多年深探理窟根源地
妙發天機錦繡篇是有福人詞蘊藉不矜才處性纏緜
應知晚節文逾富隱几書成萬口傳

絳帳青氍自耐寒計偕不復上春官爭妍五色趨時易

傳信千秋下筆難

先生傳誌諸作筆最謹嚴

黌舍分科法胡瑗蓬門

高臥羨袁安

時起歸思

兼優品學推耆宿漫與才華一例看

有子元成早授經君家舊物記箱青百年文獻尊桑梓

先世勲名炳日星搜輯事皆垂典則贈貽語亦勒箴銘
披編一室襟懷暢風滿松窗月滿亭

婁東俊彥久知名千里睽違賦遠行

余督運北上

想像清標

縈客夢表揚先德仰公評

乞爲人作傳

先

右丞詩律工無敵

開府文章老更成遙望弧南星朗朗鶴飛一曲奏和平

過友人村居

絃歌出草堂人靜鄭公鄉流水菊三徑疏窗山一房書
含蕉葉綠茶澗豆花香隨意清談久林深易夕陽

歸途

歸途長逐雁來賓
秋雨微零淨洗塵
畫舫得風遙亦近
青雲作態舊如新
不求工處吟詩易
大耐閒時看弈頻
幾樹綠楊誰種植
參差濃蔭覆前津

聞河帥潘芸閣夫子疾歸蕪湖

解組聞來道路中
暮雲千里隔江東
一編著錄傳金鑑
著續行水金鑑七載勞心度土功
秋老已平洪澤漲
春深曾坐絳帷風
清暉閣畔聊休息
早爲蒼生起謝公

山東道中東蓮亭前輩

深春話別忽深秋
看遍青山一葉舟
千里思君武林去

柳汀花塢望湖樓

四照閣高碧水隈重尋舊蹟踏莓苔孤山特地梅開早
爲有詩人冒雪來

牐河夜行

歸心急迫不計程兩日併爲一日行秋水淺纔三四尺
孤櫂容與趁月明銜蘆依依征鴻影隨我十幅風帆輕
迢遞山城隔深霧隄邊古堠迭相迎村舍鐙火出林際
黃葉颯颯作雨聲時逢津吏敢牐待不聞伐鼓聞鳴鉦
更喜朝來問前路丹楓霜重寒山晴

偶成

客中詩易就處處景逢新
野水碧於樹秋花紅勝春
山長雲送客村靜月迎人
爲喜江城近樓臺入畫眞

開府程簡敬師輓詞

度藹春風氣肅秋封疆敷
歷懋勳猷寬平治獄于廷
尉威厲移風張益州十載
江湖心魏闕一庭詩禮業
弓裘門生兼是舊時吏痛
失師承雙淚流

途中作

樹影一村齊盈盈水拍隄
瓜田飛小蝶茅屋上荒雞
高

稊搖風亂濃雲壓樹低江南歸去近已到兗州西

漫興

髫年書喜暮年看十笏齋中境地寬親種花開如得第
久思朋到勝遷官鴟尊薄醉任雞唱鸚粒餘儲供鶴餐
頗笑參禪尋苦惱心原無擾不須安

門人銅山左明府輝春貽左忠毅公集

萬古奇冤那有此誣蟻追賊斃君子姦黨旋滅如沙蟲
乾坤正氣長不死我讀浮邱左公文奏疏爲國除妖氛
痛哭流涕漢賈誼直言極諫唐劉蕡當時盛名稱楊左

移宮危言實胎禍人如黨錮怨隙深獄比同文株連夥
繹公前後兩陳詞仁義兼盡無偏私除惡况保善類衆
籌邊更拯宗社危卅篇編成追陸贄建白慷慨異空議
著論無非本道心作詩偶爾推餘事公昔奉使畿輔中
興屯興學培儒風童子早識史閣部古誼能感鹿太公
千秋公之遺澤在稻花遍野濱渤海南望祠堂松鶴間
皖山恆嶽同崔嵬公墓在皖山松鶴書院族裔輝春爲表揚重公
忠義及文章搜求竝梓忠貞集竝刊左忠貞公集凌漢光芒萬
丈長

題左忠貞公集

蘿石空山裏梅花老屋中當年畱傑作奕世表孤忠殉
節平原守成仁信國公精神同不朽氣吐尚如虹

門人輝縣陳明府焯堦寄孫夏峯先生集

夏峯篤行儒清介絕一塵道比新吾廣學若河津醇施
教泯品類有風皆陽春豪俠與隱逸似矣非其真上追
洙泗源望溪傳略陳至竟理學外無地置斯人

後世尚考據雅不好真儒記誦重淵博踐履輕廉隅數
典窮迹象治心薄空疏但務摛詞工反笑論德迂斯人

如可作化雨藉沾濡氣節本性天庶幾葆厥初

夙昔慕徵君名行互砥礪忠孝完大節所學在窮理朱
陸無異同折衷祇一是容城有三賢劉楊成鼎峙教授
河汾間今之文中子聖道衍宗傳 昭代首從祀

門人輝縣尹遺我夏峯集披讀卅萬言至理昭星日僑
寓蘇門山躬耕開講室康節舊隱居姚許紹儒術仕宦
得名區著作勤搜輯爲更好此編定知能稱職

名場

名場久繫類匏瓜鵬蜚催人兩鬢華明月祇應臨綺席

春風端不到黃花十年慣飲三江水千里長浮八月槎
孫綽遲尋遂初賦心閒何地不煙霞

偶成

丹楓霜冷十分秋千疊青山一客舟預計行人小春後
梅花香裏到揚州

江口阻風易小艇泝龍潭旋金陵

大江流浩渺西風吹不已三日阻瓜洲寒林孤櫂弭昨
泛高郵湖揚帆一何駛徑達茭莢灣終朝逾百里無何
卸征帆遄行忽焉止鍾阜不可望雲霧蒼茫裏速遲殊

轉眄往復悟至理歸與敢憚勞
句曲道堪指一葉易扁舟
淺涉龍潭水恰值晚潮生
不待東風起

夜行龍潭

暝色催征櫂迢迢百里賒
鐘聲來野寺鐙火出漁家
煙嶺千重暗風帆一片斜
臥聞舟子語西去是棲霞

重晤蓮亭前輩於金陵

依然僑寓石城東重訪高齋笑語同
八月濤聲塵夢外六朝山色酒杯中
人如老圃黃花淡歌比陽春白雪工
伊邇安園承屢過不須千里寄詩筒

對梅憶樹君

檻外寒梅見一枝伊人何處寄相思清風朗月許元度
流水高山鍾子期歷數交遊惟耐久每披詞翰不勝悲
未知遺集刊行否曾輯津門萬首詩

瓢兒菜

密攢短葉飽含霜嘉種偏難易地良我與金陵緣不淺
年年細嚼菜根香

鉦兒自杭州寄菰柑

食味喜能諧佳菜北與南霜滋安肅菜星藕永嘉柑美

佐辛盤盛香餘卯酒酣寄來知汝意千里遠承歡

寄湘陰郭生世傳

生余戊子典試湖南所取士也時年六旬今八
秩矣書來知精神矍鑠選校官不就三子皆補
博士弟子員因成七古一章寄之

明瑟軒啟春鴻來數行書自衡陽寄故人別後閱廿秋
今茲計已八十歲閒隔吳楚山川遙開函絮語不盡意
爲憶星沙相見初清標似鶴超凡類長髯飄飄齒最尊
廿七年前曾拔萃出匣劒利寒騰光照乘珠投圓無類

久聞羅隱名馳吳一逢伯樂羣空冀龍頭端合屬老成
虎榜應無笑渴睡如何舟阻三神山白首南宮徒屢試
歸來風月開襟懷嘯詠澗阿矢寤寐辭官不堆苜蓿盤
教子都成瑚璉器杖履優游日舒長精神翼鑠顏溫粹
我家文慤登科遲聯翩遂躋宗伯位君享耄耄酬蹉跎
達隱不同同人瑞南望壽星見丙方東連壁府書亥字
佳讖知早徵期願記取秋晚嶽增翠

是科
詩題

東慰農

近得都轉書披讀如覲面嚮鹽商易民濟時窮宜變法

仿淮北行推廣及梁汴本以恤商艱實則於民便嘯聚
梟化良價值貴可賤但使課不虧奚必利獨擅五穀任
懋遷公私渾無閒足用重善籌君其希劉晏

題蓮亭前輩游茅山詩次程仲蘇韻

山中我羨陶貞白謾謾松風萬壑深春水慣乘青雀舫
仙人遙隔翠微岑輸君捫葛峯頭路攜友扶筇物外心
何日尋詩來福地閒雲野鶴遶叢林

和友人韻

廿載爲儒吏清吟興未闌勤求民隱易善事上官難守

舊才常歛無營遇自安歲寒松竹友耐久與盤桓

書徐孺人家傳後

不有身惟有姑姑病刲股血沾襦代藥進姑迷旋蘇旬
餘詎料形神徂痛深治疾終不愈地下相從更糜軀一
家哭感行路兒莫哭己則愉喜奉色笑黃泉俱不有身
惟有姑

書英山李令事

李君本寒士作令來江東清如冰壺月儉有素絲風五
載積廉俸買山歸興濃袁君陷囹圄虧帑丁阨窮慨焉

爲援手解橐殊從容償君萬金負還我四壁空此舉無
所爲狐悲具苦衷廉吏庶可爲所願保始終傳聞徧寮
采高義感嘆同知君無妄取卽在輕財中嗟彼囊金輩
厚祿徒自豐障簾與鑽核鄙哉晉嶠戎

懷家舜卿同年用高適還山吟送沈四山人韻

還山吟山人還山歲月深白雲嶺上同無心秋徑黃花
差強意春林子規頗解事仲弟今亦解組至大山小山
耽靜棲草堂新闢藏書地住山何用買山錢清風明月
娛年年平生遊迹圖四壁臥看名筆如龍眠出山人羨

山居樂燕山舊里何時旋

喜聞張虛谷生子

喜聞育石麟書來達江浦衙齋湯餅筵千里如目睹君
昔得佳兒年幼帖臨古大字若鸞驚小楷亦鶴舞一見
優曇花委地摧風雨君本敦厚人理應受天祐再索慶
得男晚年憾可補世家誇謝王芝蘭羅庭戶優者固鳳
龍劣者猶豹虎我惟祝商瞿有子丈夫五何必到公卿
但願愚且魯

織簾書屋詩鈔卷十一 已酉

天津 沈兆澐 雲巢

人日得穀堂書

建業山多似洛陽懷人遙聽鴈聲長
敬容殘客迴車轍
高適新詩寄草堂陶谷梅遺六朝古
蘇門山湧百泉香
何時宦蹟天涯合雅集同傾竹葉觴

花開桃李偏河陽勝地從來教澤長
片石重標觀水處
高巖還葺讀書堂使君化播璫琴雅
弟子班分玉笥香
從此承流宣化遠發源應記濫杯觴

己酉立春

妙舞清歌綵仗新
白頭簪勝醉元辰
已過二萬三千日
仍作東西南北人
浙水任城齊送喜
和風甘雨總宜春
重重占得金穰慶
瑞穀祈年誌仲辛

龍江

地僻夾江濱
重遊又浹旬
桃遲開上已
霧薄斂清晨
無雨遮耕笠
隨涯把釣綸
餘閒狎鷗鷺
差勝勢交人

門人江翊雲給諫觀察廣東詩以誌喜兼懷廣州
易念園郡守

我昔趨庭百粵東限門觀海年方童別來忽忽五十載
遠夢時至硃洲中間君萬里羊城去繡衣絳節乘青驄
春歸庾嶺官梅白地入禺山佛桑紅南越自古稱樂土
物產饒富番舶通雲集澳門市百貨花豔珠江船六蓬
糲粳民戶雜竈蜚擊殺習俗參獠獠平地斑駁獲雷楔
巨觚橫激來颶風虺蛇四目奉祠恪鱷魚修尾食人凶
繁華怪誕靡不有以今視昔將毋同使者布化先造士
風度多如曲江公剛峯政事白沙學羣賢蔚起追前蹤
次嚴紀律修武備樓船一洗鯨波空滋露震雷施威愛

返樸還淳資彌縫況有隱之賢郡伯同堂舊契皆和衷
公餘訪我讀書處極浦亭

在吳川

繞蒼煙濃

春日城北

蕪草華林沒舊園建康城裏有山村碧雲影淡蟠龍里
綠竹陰濃儀鳳門三日春霖無歇意半牆秋水尙畱痕

上年秋大水

黃鸝紫燕催詩興難得攜柑侑酒罇

徐穉蘭觀察邀同積淳圃廉訪登博山餘霞閣

傑閣石城上青山當戶濃春寒三日雨樹古六朝松小
艇帆無數長江浪幾重憑高間眺遠塵外豁心胸

長沙遺舊蹟書舍喜偕來塔影臨城闕山光入酒杯他
鄉萍水合勝景畫圖開莫漫怱怱去驪歌別緒催淳圃將之

送淳圃之閩

十年同住六朝山陶谷隨園屢往還君到西湖香雪界

梅花開偏碧流灣

福州西湖
梅花最勝

臨別還分富貴花

以牡丹
贈別

尋香蝶亦過鄰家安園添得

瞻園種畱待重來醉紫霞

見燕有感

蘇東坡詩集卷之二
綠柳枝新春色歸斜陽巷口認烏衣空梁祇賸泥痕在
羨爾常將乳燕飛

桃花菴看芍藥

婪尾春多不礙遲賞花猶在未開時澹雲微雨虹橋外
寄語東君好護持

廣陵花發舊傳杯恰報升之作客來金帶圍占賢宰相
莫教安石一枝開

揚州舟次漫成

我出詞林宦江表十載汎舟輸秔稻薄具酒食充行廚

漫勞盤飧饋東道山海珍錯羅列豐中人家產破未了
辭以糜費徒飾觀答云將意猶嫌少開展藉以覘長才
清儉輒虞書下考歎息此語殊不然我用我法何妨矯
仲叔不累安邑肝况爲上官肯煩擾素甘麤糲君休嗤
平生志不在溫飽剛峯奉已肴惟蔬穆父延賓飯名鼎
北人餽飪常欣然日食萬錢有何好拭目請看揚州氓
鳩形鵠面愁積潦

下邳東徐州金瀛仙司馬

幾載彭城愜壯遊雲龍山繞大河流酒香春雨粉榆社

花落秋風燕子樓好士定多劉向輩吟詩兼共道潛儔

三都賦序勞椽筆

爲瑞兒詩作序

情話相違祇數郵

題李靜軒滁陽酬倡集卽次集中韻

我來江左住飽看六朝山煙雨添遊興風塵老客顏舫
乘青雀遠人比白鷗閒羨讀君詩句奚囊逐轍環

滁陽經再到相隔四年深友聚天南北情殷雨舊今琴
臺尋勝蹟石洞寄遐心仙吏煙霞窟何須慕向禽

問字羅羣彥便便似孝先書摹豐樂記酒載紫薇泉薄
宦頻畱蹟高吟妙紀年一編酬倡韻三復尙泠然

班馬鴻文著香含碧草幽誰知淵雅士偏善轉輸籌渤海原同里清淮又共遊年年相聚處觴詠對春流

題法可盦漚羅館詩集

妙悟通神色相空一枝仙筆奪天工高飛獨鶴碧霄上深掣長鯨滄海東佳話聯牀秋夜雨壯遊鼓浪客帆風逢君淮浦讀君集重約論文尊酒同

南陽

涼風收宿雨泗水間前途帆挂三更月窗開兩面湖岸長低欲盡山遠淡疑無觸景前宵夢煙林小直沽

李雲坡刺史招飲話舊卽席作

金陵千里片帆來
梅雨蒲風節序催
勝地南池纔櫂艤
多情北海又尊開
亭虛近水延明月
徑曲看花踏碧苔
暢敘移時頻翦燭
宵深車馬繫遲回

卽目

雨霽滄州道雲陰日氣銜
岸高鼓老樹地闊少重巖
童戲皆涸水車行亦挂帆
遊觀銷溽暑風細拂征衫

懷湯小穆昆季讀書掃葉樓

吟興應添聽雨餘
東西屋稱弟兄居
奇文校理如天祿

掃葉樓中夜讀書

懷石甫

十載與君別天涯馳思勞鯨波閩海靖虎節蜀山高屨
挫心逾壯長吟氣自豪大名標宇宙老去臥蓬蒿

懷慰農

客夏蒞津淀商人凋瘵時利常與民便清獨畏人知梓
里乘潮近蒲帆冒雨遲相逢重話舊又是隔年期

過津門示諸姪

白髮漸盈顛頻逢輒喟然還家仍是客話別動經年舊

德縣無替澆風見莫遷秋來風雨夕忍讀脊令篇

潤田兄下

世已三年

里門喜晤曹季津表弟

七子才名壓建安揮毫對客重詞壇貧能養母孫明復
熱不因人梁伯鸞自昔一堂常晤對於今三日小盤桓
漸余宦拙文兼拙白首荒經著述難

卽目

老樹繫孤篷驚起棲鷗宿林間一鐙明書聲出茅屋
舟行貪早涼廿里天向曙荒野不聞鷄疏蟬鳴高樹

岸閣水頻添帆輕風乍定有客扣舷歌游魚時出聽
濯船黃頭郎遙望楊村喜不是喜楊村家在楊村裏

臨清懷殷兩帆明府青城

又到臨清繫短篷青城相望隔齊東九河故道通津郡
一邑高人得宋公勸稼應隨桑野雨披圖曾挹竹林風
去年相晤臨清途次曾
以竹林七賢圖見貽詩章聊代書函寄千里雙魚碧
水通

張灣懷虛谷

昏夜著征鞭風塵未了緣孤村車薄笨積潦路回旋友

憶行蹤並詩曾旅舍聯天涯悵離索彈指卅三年

丁丑秋同

自京旋里

夜行通州

舍舟旋策馬阻水又呼船路窄羊腸轉橋危鴈齒連荒壚雙堠立野店一鐙懸偶遇田閒叟乘涼夜未眠

孫步洲邀酌別業

城西有別業習靜卽山林曲徑隨花轉疏窗隱竹深逢秋歡聚首酌酒話同心不覺宵鐘至虛檐朗月臨

月舫同年由甘肅方伯調任直隸

重臣分陝向西行虎節旋移右北平棠舍渥沾甘雨潤
茅檐普照福星明開藩此日周申伯治郡當年漢少卿
我恰扁舟來渤海兒童竹馬共歡迎

聞江南五月大水寄蔗園梅莊金陵署中

霖雨三旬雲不開江潮澎湃上游來餘春芳隴麥全浸
入夏荒塍秧未栽午月適逢壬子破酉年九甚戊申災
五月壬子日逢破主水去欲鞭陽石消殘滴一曲薰風
秋曾水溢今夏已成災歌阜財

秦淮汜濫接江流絃管聲銷十四樓城裏翻爲城外壑

東水開山水人城西水關江水入屋中低入屋前舟斷
城皆注秦淮後湖水又從城北入屋中低入屋前舟斷
炊到處沈黔突齋社何時夢白頭蓮幕遷移勞繫念安
居書望達庚郵

得金陵書

五月天寒江涌波金陵陸地盡成河書來已及三旬久
水退應無一丈多虎踞山高排菱舍鴻磬聲斷起漁歌
帑金百萬 恩施渥時燠時暘立召和

東幕中諸同人

蛟雨雜江潮羣流助勢驕建瓴彭蠡澤灌穴石城橋市

上行蹤斷檐端畫舫搖挽瀾思壯士全向海門消
明琴軒前敞紅蓮泛綠渠昔年曾警寇今日又離居
龍鬪疲歸壑鴻飛滯報書清秋潞河上南望渺愁余

與牛遠山心梅孫夜坐

餘暑斂秋澄窗含月半棧懷人披赤牘敲句話青鐙
客久知情僞心平泯愛憎一城江水漲蕩析念金陵

八月初五日通州作

客久引詩興此間山水滋波圓流迅湫峯直勢屢屢疏
樹棲鴟冷長天度鴈遲兒孫舟次聚

鉦兒來通恩
閩孫隨行不覺

滯歸期

已酉八月憶瑞兒

傷心一卷五言詩
不忍從頭仔細披
讀到年華逐流水
黃河一去杳歸期

又到槐黃八月秋
當年北上附行舟
夢中考具時親檢
忘卻佳兒赴玉樓

望金陵書不至

遠眄金陵書
市月猶未至
得無洪喬沈抑少
秋鴻寄夏初
水驟來比屋
民逃避
通衢競船行
層樓暫匏繫
俯視

白茫茫徧城皆無地東關天門開西關地戶閉後湖青
谿曲灌穴齊放恣滅頂失屋檐漂粟空庾積菱舍覆舟
山就食高座寺秦淮歌舞場樂極反傾淚昔年夷警來
天塹妖氛熾今茲怒潮生鷺洲龍鬣沸胡爲長江流有
害而無利白露水應收丈餘漸消未積雨祈禱殷多時
或偶霽想像靜夜中愜焉愁無寐

己酉中秋

童時白玉愛盤圓歲序催人雪滿頭六度風檐丹桂月
六應十年秋水木蘭船良宵不負清吟裏佳節常逢遠
秋試

新集唐詩卷十一
道邊卻喜客中忘作客天倫快敘話纏綿

協揆陳文慤師輓詞

台垣星隕泰山傾俄頃趨朝罷履聲名比歸愚能早達
心如諸葛是開誠三天侍學畱模範十度掄才入鑒衡
桃李首栽惟我在西風灑淚老門生

哀及門王伯陽明府

甫換頭銜遽蓋棺得名容易享年難才長曾歷三遷秩
命薄終淹七品官鶴馭蓬山東海杳人歌薤露北風寒
可憐勞碌風塵久祇博公卿刮目看

九日

沿隄那見菊花黃紅蓼丹楓水一方晒到金陵小春後

不妨有菊卽重陽

金陵菊多
開至深冬

秋雨秋風送客艘朗吟篷底醉醇醪誰知別有登臨趣
上水船行步步高

己酉十月十四日寶應紀事

河決入湖

洪澤

水洋洋清淮灌以濁流黃槐樓西隄潰未

合估客爭渡連牙檣我來正值溜行急舳艫梭織上下
忙榜人捩舵轉失勢危如臨厓馬脫繯缺口欲避不及

維舟書屋言金卷十一
避一瞬陡落三丈強懸溜高未觸沙石退鷁搖搖空際
翔頃刻數里阻淺瀨驚定乃在湖中央昏暮舍舟聊登
岸草草眠食依僧房傳聞潰久難速合居民利藪習爲
常傭工朝夕延得食攘奪行李歡沈航僥幸無恙懼回
想性命儼寄黃頭郎涉險從來要持重悔不弭楫東隄
旁

感述

寶應淮河隄潰余舟行爲估客船擠入決口口
瀕湖湖多碎石舟飛行及淺而止余與牛遠山

恩闈孫暨僕從幸無恙舟淤於湖迺舍舟登陸
寓荒寺別覓舟於袁浦上官同僚皆使人詢起
居因述以誌感

况瘁風塵裏衰年戀一官頻仍託舟楫急遽玩波瀾不
道清淮水偏如黯淡灘夷途成險境行路始知難

決口輕舟入淩空石堰過軍行安枕席神助靖風波側
耳呼號慘別船陷溺多

隨行船覆溺斃二
人是夜沈賈船一

我才非太白

頑鈍自婆娑

驚定翻多怯餘生幸尙存倉皇同執友牽率及同孫霧

重遮蘆岸燈昏破寺門不曾衣履溼客到話寒溫

家司馬文

藻來

於世嗟何補艱難跋涉身關心勞長者無恙報家人

寄書

雨兒山左秋水澄懷淡浮雲變態新天隨遊笠澤羨爾坐垂綸

水退後初返金陵城北卽目

斷井頽垣滿目愁水消枯樹有痕畱冬來徧地瓢兒菜
舊是春城煙雨樓

偶成

雪中初返使君舟憶昔旋歸八月秋

二十二年七月督運回署餘多在入

月間今年十月杪方回署

我已恨遲人羨早布帆無數阻高郵

安徽浙江

江西湖廣漕船冬深尚阻淮河不下二千餘

織簾書屋詩鈔卷十二

庚戌辛亥

天津 沈兆澐 雲巢

病臥

曲永藜牀盡日眠垂簾細裊藥鑪煙
妻孥應憶余岑寂獨住衙齋近十年

濃綠當窗草色添新晴猶帶雨廉纖
門庭如水人閒靜臥看山光落畫檐

自題詠史詩

明月清風水一谿吟成音好似黃鸝
運租船上聊乘興

相賞何須遇鎮西

戲述

平生不解趨炎術
觸暑征途歷有年
畫舫清風來面面
傲他元亮北窗眠

題孫忠靖公集次長沙陶文毅公韻

遺集猶存劫火餘
當年政蹟未模糊
潼關一死知無補
爭奈頻來促戰符

滿齕盈廷智太昏
空傳禦寇與清屯
垂成功敗才超絕

報國貽謀逮子孫

公元孫爾桂仕總兵七世孫豐仕知縣皆著有勞蹟

漫成

一編相對卻炎熇，尙友眞成莫逆交。
書慣刊疑隨手錄，詩成詠史付孫鈔。
曠觀塗好遊千里，吉象詞占旅二爻。
鼠尾麝煤憑度日，十年不調任人嘲。

和友人韻

千里傳芳訊，如聞斫地歌。
艱難新法亂，傾軋要途多。
足捷應騰驥，書工但換鵞。
北山文到否，寂寞怨松蘿。

補盧生祠作

竿木逢場苦認真，熱中趨勢拜車塵。
邯鄲一夢黃粱熟，

續集卷之二
自有旁觀冷眼人

偶成

身世良難出處諧
拂龜端策妄疑猜
淵明徒負平生志
介甫原非宰相才
千古文章光日月
一時窮達眇塵埃
秋霖叢竹蕭齋靜
灑落襟期眼界開

和友人韻卽題其詩集

平生活淡養天和
愛聽仙家踏踏歌
質本不雕非朽木
言疑好辨似懸河
黨人嗤附牛僧孺
壯志常哀馬伏波
老學堯夫尋樂趣
閒從擊壤得詩多

三忠祠

在聚寶門外祀宋楊邦
人又文天祥明李邦華

金陵祀三忠人傑皆吉水云何無知徒邦華
撒從祀廟貌喜重新節義企同揆古人豈重此
所要勵風靡斯謂不朽三光耀長千里

和友人招隱韻

苦駕輕車愛遠遊不勝鶴怨與猿愁
邈無階緒蒸陽令滿載琴書甫里舟
貞白山中稱宰相褚裒皮裏有陽秋
歸來歲晚盟松竹莫遣蘆花笑白頭

題明妃出塞圖

萬里和戎別鳳樓琵琶馬上息戈矛漢宮爭買毛延壽
買得千秋圖畫不

雲臺不畫畫昭君翠羽明璫金縷裘一个美人休見少
勝他三十六將軍

世說新語載馬季長事戲詠二絕

扶風女樂後堂陳學似康成叵奈貧門下三年難一見
不知高足更何人

禮樂皆東歎弗如妒心潛起送歸初殘生幸免危橋上
枉喜師門博美譽

夜坐書懷

鏡中蓬鬢訝霜侵建業參藩歲月深山水遊多精畫鑒
兒童客久變鄉音無求常覺交情厚習靜頻聞滴漏沉
潦盡一時思廣廈杜陵長抱濟民心

餓夫墓

彭之燦字了凡蠡縣人明末諸生入蘇門山不
食死孫徵君奇逢爲表其墓陳明府焯墀重修
之

平生一餓足千古人不非夷齊羞與伍不求苟活天地間

蘇門惟留一抔土了凡欽奇磊落人行路高歌動鬼神
故鄉千里不歸去空谷辟穀登仙真志士身輕大義重
清風相映百泉涌得所聊依安樂窩擇地如傍要離塚
知己獨有孫徵君曾表當年數尺墳寒煙蔓草埋斷碣
誰讀中郎有道文陳君作宰多循蹟頑廉懦立廣教澤
增光公和長嘯臺重整西山一片石知君慕古感人深
雅化閒鳴宓子琴坐使閭閻歌醉飽推恩更見己飢心
題蕭尺木松樹障子用田山薤登采石磯太白樓
觀尺木畫壁歌韻

滿堂謾謾長風寒披圖髣髴遊深山宏偃不作誰好手
驅萬壑濤湧毫端低株紛拏穿澗底高幹交錯排雲間
巨幅畫松不畫石意中無數含煙巒尺木老人張璪後
雙管齊下堪躋攀歲寒本抱堅貞性虬龍夭矯鐵屈盤
太白樓曾繪四壁五嶽嵯峨水潺湲牛渚衆怪驚起舞
狂呼謫仙酒杯寬餘興寫此後凋態筆妙詎僅追荆關
老夫珍重獲此幅蕭然白髮同蒼顏凌霜祇擬盟梅作
偃蓋不解棲鵲鸞偶坐聊歌紫芝曲遠遊常泊紅蓼灘
時督運舟行百尺陰垂著書處元亮荒徑何時還

泃河阻淺

歷年泃河水無若今夏淺
汎舟泃河時無若今夏晚時
晚行思疾水淺行愈緩
清泉涓滴增薰風升斗減兼旬
百里程牖閉頻中斷
永日卸帆輕細流移櫂短
挹注幾經營出徐甫入竟
更聞汶水微莫由良籌展
世盛陰陽和胡爲久旱
暵泰山雨崇朝默祈天心轉

喜雨

一雨居然下尺深
淋漓三日恰爲霖
潤沾焦土回天力
歡洽蒼生望歲心
樹色暗縈晨霧重
潮聲遠逐晚鐘沉

旋聞鵲噪傳晴好破塊無煩歎滯淫

重遊芥園

水竹幽居似瀼西重遊蹊徑未全迷孤亭倚石添新築
古壁尋詩認舊題曲沼橋通芳草遠夕陽樓俯老松低
名園不改當年景爲憶詞人此故棲

曲衆迴廊入薜蘿郊居庭院綠陰多藏書富比瓊瓏館
引水旁通簡潔河客到習聞漁父唱詩成妙付雪兒歌
贈鞭投轄須臾事門外清風送逝波

地勝曾經駐

翠華濛濛細雨潤梨花春流自印青旗

影老樹猶留白鶴家

查儉堂過水西莊句開門鶴到家又門外梨花雨正多

竹院

近依僧舍靜柳堤遙數客帆斜悠然塵外供吟眺無限

風光宛若耶

小築臨春水風光宛若耶亦儉堂句

不到園林近卅年來遊恰值早秋天荒苔徑裏搜殘碣

尋陳香泉墨刻不得

流水聲中聽暮蟬坐久畫簾移樹影話餘禪

榻繞茶煙家鄉客裏恩恩過又趁西風夜泛船

贈芥園養泉和尚

檀藥老木得秋多攜友招涼野寺過館集三家村子弟

僧於寺旁設義學

堂懸一幅病維摩荒園重葺通精舍鐘韻初

停起櫂歌茶話風塵聊小息
輸君閒靜隱煙蘿

通州值藹餘同年假歸廣西

岑寂潞河濱無心逢舊友
抱疴自京來風雨正重九
前歲秋月明長安共杯酒
別來曾幾時相看驚老醜
君官方就銓君病不過偶
胡爲決然去樂志臥畎畝
君云讀楞嚴富貴空諸有
恬淡養天和歸作煙霞叟
僕指同譜中十人尚綰綬
餘皆賦遂初歷數如某某
不待雪盈頭早解印懸肘
亦有登崇階未能享上壽
一現優曇花敷榮乃速朽

張曉瞻中丞遽歿

家庭樂趣眞田園年華久聊自慰

蹉跎長此息奔走我喜君語佳聞之惟默受投組觸素
心招隱承苦口再會定何年移時旋分手寄訊山中人
養疾今愈否

謂陳
蓮史

同年吳淪齋趙竺泉張曉瞻數年來相繼怛化感

賦

羊杜風流迹杳然塵埃隊裏早登仙何堪愁聽山陽笛
回首春明二十年
故人一別邈山河得路青雲建績多倏忽乘箕歸碧落
鈍根長自耐蹉跎

懷及門楊中貺觀察

六察君才擅軍興，借箸多燎原。驚象郡，滋蔓擾牂柯。制勝先清野，安邊速止戈。參謀知莫逆，大將拜廉頗。

林少穆開

府奉命赴粵西

武城雪行和梅莊

冬初霏密雪，急迫趁歸程。舟泝長河水，天開不夜城。疏林催葉脫，遍野散花明。曾記春來柳，依依送我行。

東昌

冒冷夜貪行，茫茫不計程。帆懸留雪蹟，窗豁受風聲。傍

岸流漸結迷人宿霧橫曉來聊貰酒霽色滿山城

任城示礲兒

時礲兒寓任城將奉母之衛糧任

任城小住快稱觴轉愛他鄉勝故鄉悟後功名慚學淺
老來兒女覺情長輕輿汝奉沿淇澳畫舸吾乘下建康
千里相違如咫尺循聲好聽慎隄防

合肥莫大令寄示其先德韻亭前輩硯雨山房詩

集

新讀詩編寄驛筒王楊當日並稱雄言情酷似陳無已
詠史多如左太冲久宦未曾寒士異淡交常與素心同

法時帆瑛夢禪張船
迴思五十年前事道範高瞻矮屋

山劉松嵐最相契
中嘉慶庚申濠以童年應鄉試
時公兼京兆尹充監臨官

辛亥元旦
咸豐元年

首祚拜 恩綸寰區萬象春年豐占吉戊
是日建戊子雨潤

及元辰望闕紅雲近簪花白髮新七旬猶未屆已作四
朝人

題馮拱垣舍人鄉賢錄

仕宦貴三公不如家庭樂溫飽足一身不如施濟博孝
友而仁慈至性良不薄聞然詎求知久之乃緜澤餘慶

及子孫堂構日恢廓返諸砥行心祇自修天爵祭社報
馨香化俗奉矩矱三晉樹風聲斯人儼可作

題守瓢圖

王二樵學畫梅於周七橋七橋舊蓄鐵瓢二臨
歿以一贈二樵因作圖以誌感

不貯糟醕不貯詩空瓢珍重故人貽清泉一掬深山薦
記取盟心飲雪時

疎窗竹外影橫斜彷彿當年暈墨華化鶴歸來尋陋巷
天寒還共守梅花

題朱悅田廣文紅梅卷子

憶昔探梅香雪海千樹萬樹舒瓊蕊金陵又訪六朝梅
老榦槎枒遲蓓蕾梅花多少致不同同賞冰姿冷淡中
江南江北嫩寒時笑他桃李隨春風今茲穠華驚瞥見
晴窗炫耀展長卷似買臙脂畫牡丹頓改縞衣本來面
悅田先生逾八旬圖成已閱三十春渲染綺麗入時格
未礙古貌古心人從來善畫多眉壽生意盎然神蒼秀
山中鍊就九轉丹朱顏相對異孤瘦我亦鶴髮將盈顚
度嶺前遊六十年

幼時曾度梅嶺

羨君長住衆香國消受清福

如逋仙

爲金蘭生二尹題其先德檜門先生觀劇詩冊

霓裳記詠大羅天傀儡相逢舞綺筵北海尊壘消永夜
東山絲竹感中年當場妙寫傳神筆諷世真逾詠史篇
游戲詩成遺墨寶漫將游戲視詩仙

鈺兒攜恩紱孫來自杭州

喜爾攜孫至庭前共問安途長行轉速別久聚逾歡情
話親朋集團林次第看

徐聲仲蔗園華梅莊牛遠山皆在署中偕遊諸名園梅花

相待發好是勒春寒

懷龍伯華同年

彈冠三十五年久同榜今無一半存諸老歸田身盡健
惟君守約道彌尊愛看山水羅庭戶善著文章及子孫
我亦宦遊將倦矣聯吟結社憶都門

京官諸同年曾結吟社今多致仕

偶成

九十春無三日晴石尤復阻客登程白駒維繫連朝夕
風雨如人覺有情

相逢蹤蹟水中萍落落無端感曉星作態浮雲千萬變
三山依舊插天青

造化茫茫任小兒忘機隨遇總相宜
仙人黑白猶爭勝
笑看山中一局棋

恩闈孫來自杭州卽隨侍北上應秋闈試

一孫回浙一孫來

恩綬孫甫回杭

計日征帆向北開
夏末停橈

過梓里秋初射策到金臺
衰齡自乏匡時略
壯志相期奪錦才
四十二年如轉駒
孝廉船記好風催

庚午舟行入都是年

獲雋

重遊永濟寺

庚子薄遊寺中歷十二載矣頻年舟行經過忽

忽不得泊寺屢遭兵燹水災傾圯殆盡茲阻風
雨偕牛遠山心梅孫入寺重遊不勝今昔之感
懸厓百丈尙巍然徧地蓬蒿甚往年古殿頽經兵燹後
橫流高驗佛身邊題名客雜爭鐫石見性僧高不解禪
謂默默和尙此日偕遊山徑熟鐘聲又聽雨餘天

題研雲廣文坐看雲起圖

高飛何用白鶴羨盡態何取蒼狗變偶倚磐石看雲生
絕妙無心適相見先生雅尙侶煙霞出山猶是青山戀
谷口潏然薄霧蒸林端紛若輕綃習漸擁雲生祇自怡

直待雲歸渾忘倦舒嘯坐似竹里館得趣寫入鵞溪絹
先生逸氣本飄飄大筆凌霄五色現我因披圖賞奇文
快覩飛霜與馳電

懷靳謙谷刺史

舊友嗟零陸思君意不渝妙書徐季海循吏陸平湖宦
轍多年隔郵笥一字無

致書未答

初交曾弱歲我已雪盈鬚

送心梅孫回津卽赴秋闈省試

快著祖生鞭槐花五月天瓜浮南館水城繞直沽煙歸
里如嘉客成名望少年中秋重月滿喜預鹿鳴筵

今歲入

曉月揭

五月二十四日夜大風雨

無端雷雨至沙岸夜三更風掃千軍急舟搖一葉輕樹
多敲野渡牖小閉孤城不識衡漳水迢迢漸滿盈

汪孫壻垣入錢塘學

卅載今方返故鄉領宮新采藻芹香丹霄桂樹中秋月
第一詩成繼許棠

乃祖雨元前輩
乾隆己酉解元

曾題章幔課孫圖喜見超宗有鳳雛借慰宣文九原下
桐枝聳翠第三株

辛亥八月出都作

衝寒曾踏盧溝月去住江南十五年
官閣看山頻挂笏
天倉輸粟遠乘船
驚濤帆穩叨神力
歉歲丁逃愧俸錢
已酉舟入決口幸免沉溺
戊申已酉江南大水
擬賦歸來頭半白
中州陳臬又
新遷

心恬敢詡讀書人不解何方要路津
賦筆將摹梁苑雪
客衣初浣帝京塵
政如子產纔稱惠品到溫公只是
眞特達
恩深無以報長將
訓語謹書紳

良鄉曉發

匹馬凌晨發途長不覺勞山多螺黛重天淨雁行高稔
歲登新稼孤村市濁醪行行秋尙淺微露灑征袍

良鄉道中

浮生難得是清閒最好之官道路間乍別江南遊冀北
風光猶認六朝山

涿州曉行

寥闊秋原淨山隨驛路長搖風初落葉樓畝盡餘糧塵
息沾宵雨衣添耐曉涼雲陰村店密大樹認樓桑

定興謁楊忠愍公墓

昔讀忠愍疏今謁忠愍墓墓門勒疏草筆勢猶餘怒慷慨發忠憤肝膽天所賦下從逢比游詎悔批鱗誤拒馬近容城松楸臨驛路輝映並三賢千載深余慕

偶成

露冷殘宵攬轡行長亭斥堠不分明一鉤斜月風林落隴畔微聞叱犢聲

靳文襄公墓

賈策何須守舊傳隨刊方略有新編五條章奏陳天一三已功名潘月川故里路通燕國驛佳城樹接薊門煙

我思公蹟畱江左曾渡黃河十二年

督運往返渡黃河二十餘次

正定道中懷靳謙谷

曙色噪寒鴉秋深道路賒原田高似岸霜葉豔于花城
抱潞洄水村乘薄笨車燕州遙入望欲訪故人家

渡渾沱

積雨微寒八月天河流漸涸斷仍連勞勞車馬霜盈鬢
五渡渾沱三十年

自己卯至今五渡渾沱

內邱懷曾唯齋明府

野曠人家少孤城隱霧間淺河難泛艇亂石不成山地

瘠逢年稔官清得日間衙齋欣暢敘憶昔使車還

戊子冬自

湖南回過此同牛鏡堂前輩飲於唯齋署中

柏鄉縣

林立豐碑處高原趙郡西途長雙堠遠車小四輪低霜
野催鴻陣山橋送馬蹄此邦懷往昔勲業著沙隄

盧生祠

遽然一枕幻非真結想從來暗入神夢到繁華奢麗境
知君本是熱中人

樹深院靜水清寒過客祠前暫息鞍支枕千秋畱臥像

教人常作夢中看

辛亥除夕

公餘小憩醉屠蘇嘉石庭開勝友俱治獄喜無從重典

編詩竊比賣癡符

擬釐舊作詩為十二卷

和風汴水冰微泮瑞雪

梁園徑滿鋪南望糧艘惜丁力龍江歲杪阻歸途

豐北黃河

決口江南糧船尚未歸次

中州寄蹟悟前因子舍先依衛水濱十載昔勞馳客路

一堂今樂敘天倫

壬寅冬眷屬自江南赴璚兒寓庚戌補衛輝通判

鯉庭親侍

蘭飴潔鴻案相莊柏酒醇千里應知遙念我宦遊人與

計偕人

鉦兒仕浙江恩
闕孫畱京應試

自嘉慶戊午迄咸豐辛亥數十年詩僅存八百餘首
鈔示兒輩聊志歲月茲兒輩先行付梓餘俟續刊附
後存諸篋行不敢出以問世庶使他日後人讀之如
親警欬詩中凡應擡寫之字皆空一格仿山左詩鈔
例也兆澐又識

孫恩閨恩紱恩官校字